

北洋官報

目錄

宮門抄
上諭

交旨
 奏議○會議政務處奏議覆成都將軍權取摺△法部奏
 遴選各廳員缺摺△農工商部奏橫濱設華商總會摺
 △郵傳部奏派古長鐵路總會辦片△鄂督陳奏請
 局成立摺
 公體○督憲札一件△蕪城縣稟一件△豫學詳一件
 文告五則△電報五則△新聞十三則
 彙編○彙摘江蘇議政局議案

宮門抄

十月十三日

理藩部 廂蓋旗值日 崔永安由

東陵回京請

安並謝護理直隸總督

恩

者齡由

東陵回京請

安並謝授馬蘭鎮總兵

恩

新授烏里雅蘇台叅贊大臣榮恩謝

恩 李煥留京當差謝

恩 大額駙等謝

賞加級

恩

榮公請假十日 溥善伺候 召見

又奏 宗人府奏

孝欽顯皇后初周年請

派王公前往行禮

恩 派出植公

享公

閣公 全公 召見

軍機

德宗景皇帝初周年請

派王公前往行禮

恩

派出益公

信公

葵公 釗公 召見



上諭

十月十三日內閣奉

上諭前奉

先朝諭旨諄諄以籌備立憲為要圖業經嚴定年限各專責成期於計日程功屆時頒布不啻三

令五申朕臨御以來又復覺降明諭或於批摺內語誡再三其於憲政前途實事求是之心早為天下臣民所共

見現據各部院堂官暨各直省督撫奏陳第一二屆籌備事宜均尚妥協果能實心實力次第興辦何難日起有

功所慮積習相沿難保無但以一奏塞責者須知此項要政上稟 前謨下慰民望關繫至為重大自茲以

往益當振刷精神認真整飭無取乎虛文粉飾徒事鋪張若揆諸現在情形辦理或有窒礙亦准其剴切臚陳並

妥籌善法仍一面持以毅力務底於成斷不可遇事畏難互相諉過方今時事多艱朝廷宵旰憂勞無時或息爾

內外諸臣受國厚恩理宜殫竭血誠擔負責任倘稍涉虛假將來憲政不克依限實行試問能當此重咎否耶即

著憲政編查館將所奏成績隨時稽核如查有措辦遲逾或因循敷衍毫無實際者據實奏參朕惟有懷遵上年

八月初一日 諭旨按照溺職例懲處紀綱具在決不姑寬要之仔肩固無旁貸而協力乃克有成尤望爾
 內外諸臣共矢和衷屏除私見毋黨同而伐異毋勤始而怠終庶幾上下一心彌成邦治朕心實嘉賴焉將此通
 諭知之欽此

上諭馬蘭鎮總兵者齡未到任以前著載瀛暫行署理欽此

交

旨

十月十三日 軍機大臣欽奉
 諭旨理藩部奏查明敖漢扎薩克郡王出缺無嗣亦無親兄弟應行遴選承襲聲明例案請旨辦理一摺著依議欽
 此

奏議錄要

會議政務處奏議覆四川總督電奏成都將軍軍權限摺

奏為遵 旨議奏事本年九月初七日奉 旨趙爾巽電奏成都將軍軍權限虛有其名遇有邊事動多牽掣請
 或以將軍統治全川或以總督兼轄旗營等語著會議政務處議奏欽此臣等遵查各省將軍一職本為統轄駐防
 及番地文武各員較之福州廣州等處將軍僅兼轄綠營水師者事權尤重嗣後邊境又安則治理地方自不能不
 歸之總督祇以將軍原奉 敕書相承未改遇有邊務各執意見齟齬牽掣不無貽患誠如該督原奏所稱不可
 不亟為懲前毖後之計第以將軍統治全川則軍府之規逾異疆圻之制如奉天吉林等處建立行省方以將軍改
 設督撫斷無轉裁四川總督之理至以總督兼轄旗營則川省駐防情形向與東三省旗民事務歸一者不同即為
 融化滿漢起見現在變通旗制處甫經設立各省駐防均尚循舊辦理獨先裁併成都亦多窒礙臣等再三核議職
 制未可遽更而名實要期兩得擬請仍留成都將軍一缺專轄駐防八旗滿洲蒙古官兵事宜照舊辦理惟將原頒
 敕書所載統轄松潘建昌二鎮及阜和協所屬各營松茂建昌二道所屬府廳州縣暨一切土司番情邊務統
 歸四川總督管轄俾專責成而杜牽掣至如原奏所稱旗兵挑練新軍逃回抗傳等語旗漢交涉事所恒有應由總
 督會同將軍隨時督率所屬秉公辦理不得稍分畛域該將軍總督同係 特簡大員膺受重寄現在權限雖分
 仍應共矢公忠相助為理以仰副 朝廷慎重邊防勤精圖治之至意如蒙 俞允並請 飭下該管衙門
 即將成都將軍四川總督原奉 敕書一併改擬奏呈 欽定分別換給以清權限而資遵守所有核議緣由
 謹恭摺具陳是否有當伏乞 皇上聖鑒訓示謹 奏宣統元年十月初十日奉 旨已錄

皇上聖鑒訓示謹 奏宣統元年十月初十日奉 旨已錄

法部奏選員試署各級審判廳檢察廳員缺摺

奏爲選員試署各級審判廳推事及檢察廳檢察官員缺以重職守恭摺仰祈 聖鑒事竊臣部各級審判廳推事及檢察廳檢察官遇有缺出如係候補人員請補仍照章試署俟三月後考驗得力再行奏請實授歷經辦理在案查有前高等審判廳民科第二庭推事奕壽升任所遺推事一缺擬請以候補推事朱珩試署地方審判廳新設刑科第三庭推事二缺擬請以候補推事高祖培鄭寶慈試署新設民科第三庭推事二缺擬請以候補檢察官鄭言龔福燾試署地方檢察廳新設檢察官一缺擬請以候補檢察官宣人哲試署第一初級刑科推事陳鴻年升補地方廳刑科第二庭推事所遺一缺擬請以候補推事怡康試署第三初級刑科推事舒翎升補地方廳刑科第一庭推事所遺一缺擬請以學習推事蔣中覺試署第四初級刑科推事孫壽臣升補地方廳民科第一庭推事所遺一缺擬請以學習推事胡贊采試署第一初級民科推事萬正常升補地方廳刑科第三庭推事所遺一缺擬請以學習推事郭文澈試署第五初級民科推事李兆年升補地方廳民科第二庭推事所遺一缺擬請以候補推事胡宏恩試署經臣部先後咨行吏部查核相符以上十一員均照章俟三月後考驗得力再請實授如蒙 俞允臣部即移咨吏部遵奉施行再此次擬署各員經吏部核准係在臣部定章之前合併聲明所有選員試署推事檢察官員缺緣由謹恭摺具陳伏乞

皇上聖鑒訓示謹 奏宣統元年十月初一日奉 旨依議欽此

農工商部奏日本橫濱設立華商總會請給關防摺

奏爲日本橫濱地方設立中華商務總會援案請給關防恭摺仰祈 聖鑒事竊臣部接准出使日本大臣胡惟德咨稱案據駐橫濱總領事吳仲賢申稱橫濱華商遵立橫濱中華商務總會於本年五月間投票公舉花翎同知銜盧瑞棠爲總理花翎三品封典知府銜吳廷奎監生魏之俊爲協理擬就章程並開具總理各員履歷清冊呈請轉咨奏頒關防加札委派等情咨請奏明辦理前來臣等伏查橫濱一埠與日本東京相距僅百有餘里其地既密邇該國都城舟車交通百貨駢集商務之繁盛與大阪神戶諸大埠不相上下華人經商於此土者有廣閩三江各幫而以廣幫爲最夥徒以勢渙力微未能聯絡茲該商等創設商務總會所呈章程各條間有與部章未符之處業

經飭令更正其餘尙稱妥洽所舉總協理盧瑞棠等既係公推自應照准由臣部加札委充並查照歷辦成案判給關防一顆文曰橫濱中華商務總會關防俾資信守仍由臣等咨行駐日使臣隨時考察監督以期激發忠愛之忱擴充工商之業仰副 朝廷嘉惠僑民之至意所有日本橫濱中華商務總會援案請給關防緣由謹恭摺具陳伏乞

皇上聖鑒訓示謹 奏宣統元年十月初二日奉 旨依議欽此

郵傳部奏派道員充吉長鐵路總會辦片

再吉長鐵路不日興工事端繁賾亟應遴員辦理以專責成查有存記道傅良佐才具開張辦事縝密堪以派充總辦試署吉林西路兵備道顏世清熟悉情形才長肆應堪以派充會辦除分別札委外謹附片具陳伏乞 聖鑒

謹奏宣統元年十月初二日奉 旨已錄

湖廣總督陳夔龍奏籌辦諮議局成立並議定該局經費數目摺

奏爲遵 旨籌辦諮議局依限成立並議定該局經費數目恭摺仰祈 聖鑒事竊查分年籌備憲政事宜清

單內開各省諮議局本年一律成立等因鄂省遵於上年八月設立諮議局籌辦處所有初選復選各事宜業於本

年閏二月八月兩次奏報籌備憲政成績摺內詳晰臚陳並於九月初一日將該局成立情形電由軍機處代奏各

在案查選舉事屬創辦千端萬緒備極紛繁溯自設立籌備處以來先後札發章程並飭令各廳州縣按照選舉資

格切實調查計本年正月十八日一律完竣四月十五日行初選舉鄂省應出選舉人十一萬三千二百三十三名

分次選定如額六月十五日行復選舉鄂省應設議員八十名專額議員三名復分次選定如額隨於七月間札由

該處分電各府直隸州轉飭各議員於八月初一日以前齊集省垣布置開局事宜各議員均於八月內先後到省

二十日舉行議長副議長常駐議員正式選舉是日臣親蒞督飭選定吳慶霖爲議長湯化龍夏壽康爲副議長劉

慶藻等十七名爲常駐議員劉耕餘等九名爲候補常駐議員一律足額九月初一日舉行開局典式臣親臨行禮

恭率議長副議長議員北向宣 詔謝 恩訖適奉憲政編查館電傳八月三十日 上諭當即恭錄行知

敬謹繕錄諮議局議場一體欽遵各議員均蹈詠 皇仁肅聆 明諭按秩成禮而退至是諮議局始告成立

前設諮議局經費分別常年開辦兩項列款核籌查奏定諮議局章程第五十三條內開諮議局經費由督撫籌指專款撥用其款目一議員旅費二議長副議長及常駐議員公費三書記長以下薪金四雜費五預備費又第五十四條內開前條公費及薪金數目由督撫定之其旅費雜費及預備費由諮議局會議預算數目呈請督撫核定各等語先經臣將議長副議長常駐議員公費暨書記薪金分職規定并飭該局將議員旅費雜費預備費各項分別擬定呈核茲據該局呈齎預算經費清摺前來臣詳加覆核核實改定計公費薪金議員旅費雜費預備費共五項計常年應需銀四萬餘兩其開辦經費當以建築為大宗前選定閱馬廠綠營地址作為該局建築地段現正估工興築俟經費核定後再行專摺奏明至本屆該局會場係借用教育總會辦事處係借用勸業公所所有修葺各費計核定銀四千兩綜合上列兩項經費業經飭由湖北布政司如數動支作正開銷此鄂省諮議局成立暨議定該局經費之實在情形也伏查選舉事宜雖入手本於調查而要情根於勸諭誠以按戶登記易啓羣疑故於襄理司選各員出省之時誠以多方演說羣情既澈衆惑自消前設籌辦處執事各員亦均能黽勉圖成恪恭將事茲幸剋期成立毋誤要公此皆仰賴 朝廷迭次 諭旨 皇言綸綍俾示周行微臣奉以周旋始無失墜至會議期內臣自當懷遵 詔旨隨時監督務使議決事件以權限為標準以法律為範圍期於憲政前途益徵進步此尤臣所夙夜兢兢自矢者也所有鄂省諮議局依限成立并議定該局經費數目各緣由除分咨查照外理合恭摺具陳伏乞

皇上聖鑒謹

奏宣統元年十月初九日奉

硃批該衙門知道欽此

公牘錄要

督憲端准農工商部咨保護華興產業公司事札飭天津商會查照文

為札飭事九月十七日准 農工商部咨開本部奏定公司註冊章程內載凡商人經營貿易無論何項公司一經註冊即可享一體保護之利益等語茲查有天津華興產業有限公司遵章到部呈請註冊業經本部核准註冊給照在案相應開列名號咨行貴督飭屬妥為保護可也等因到本大臣准此合行札飭札到該商會即便查照保護此札 計鈔單 天津華興產業有限公司 建造房間開闢市場買賣地畝 總號設在天津南門外暫無分號

股份總數行平化寶銀一百三十萬兩 創辦人曹希麟張蔚東均住天津河北新馬路 查察人張蔚東住址見前

藁城縣陳令汝賢稟 督憲設立地方自治預備會文

敬稟者竊宣統元年七月初四日案奉籌辦地方自治總局憲札開爲札飭事照得地方自治爲立憲之根本前奉憲政編查館頒發城鎮鄉地方自治并選舉章程業經札發各屬飭令遵照籌辦在案查城鎮鄉地方自治端緒紛繁如區域之分割選格之調查以及戶口習慣交通財力之所宜在在在非先行預備不足以爲實行之地現由本局擬定地方自治預備會簡章十六條并城鎮鄉地方自治章程施行細則八條業經詳蒙 督憲批准飭令通行各屬一體遵照辦理當即刷印多分每屬各給十分一分存案其餘九分發勸學所自治研究所巡警局商會等處仰即按照定章從速設立凡關於該縣自治一切辦法均由該會切實籌備以利推行須知事關憲政卽爲該地方官考成所繫毋得因循玩忽致干未便除分行外合行札發札到該縣立卽遵照辦理并將會議規則及辦事規則速擬具報以便核定切切此札計札發地方自治預備會簡章十分城鎮鄉地方自治章程施行細則十分等因蒙此遵將簡章細則分別存發去訖查卑縣自治研究所業於本年三月初六日成立開校稟奉批准在案此次奉飭設立地方自治預備會所有開會前一切布置自應遵照簡章第二條由自治研究所辦理以期銜接而利推行一再與該所長所員等籌商辦法遵照簡章第四五條大治額定會員三十人並按巡警區域平均分配卑縣舊分十區擬定每區推舉會員三人復擇定各該區適中地域卽以各該巡警分局爲選舉場定期八月初五日由各本區人到場推舉隨卽出示曉諭一面按村傳知紳商學界屆期齊集復派各所員分任照料員前往辦理旋據第一區舉定武世喆孟斐然董鏡蓉第二區舉定趙連池程英傑王振基第三區舉定葛輝山董占春張子晉第四區舉定李一士張維翰南樹棠第五區舉定劉仁肇倪容耿肇元第六區舉定武從周郝雲龍姚璧第七區舉定丁萬川許中和賈士傑第八區舉定路益修陳霖普陳寶璐第九區舉定嚴正名張玉彬胡蔚文第十區舉定邊文清劉溫郝士斌共三十人申報前來當由卑職按名徵集於初九日開會由各會員互舉嚴正名爲會長並動定關帝廟爲事務所惟各會員均散處鄉間會長嚴正名距城尤遠本所事務自須添設專員分任經理當經選定許中和爲庶

務員李一士副之耿肇元爲書記員武世喆副之作爲暫設假定職務與會長常川住所辦事其各會員亦分班輪住每日均須有駐所值日員四人以備顧問卑職於案牘餘閒日必步行赴所研究地方利弊並於所中設一延接室室外懸諭接見時間凡四鄉紳民以事求見者皆在彼處按時候見藉可訪詢民間疾苦兼以考察各鄉風尚之習慣庶一洗官民隔閡之舊習而啓紳民襄助之新機至該會議規則辦事規則先由卑職擬定交該會暫行試辦俟稟奉 批示核定後再行飭發以爲實行遵奉之依據除仍由卑職隨時督飭籌備外理合稟請 查核立案批示祇遵實爲公便

河南提學司詳撫院試辦簡易識字學塾暫行簡章請鑒核奏咨文

爲試辦簡易識字學塾酌擬暫行簡章詳請核示奏咨立案事竊照欽奉

明詔限定九年將豫備立憲事宜

次第興辦本年爲第二年期 學部奏定條款內開頒布簡易識字學塾章程頒布簡易識字課本各省設簡易識

字學塾等因竊維國民程度以識字人數之多寡爲衡學堂課程繁重凡貧窶子弟及年長失學急於營生者迫令

概受完全普及教育勢必不能惟簡易識字學塾似不必以程度相迫與半日半夜等學堂相輔

而行則爲事易舉收效亦必較速然非責成官辦於通衢市鎮樹之風聲無以資提倡非於紳董塾師明定獎勵辦

法則更無以資鼓舞此項學塾總期僻壤窮鄉逐漸推暨肩挑負販共樂遵循庶地方多一識字之人即多一明理

之人惟簡易識字學塾章程及課本尙未奉到 部頒而各省遵限奉行似應預籌試辦力求實際乃能無悞憲政

時期擬會商藩司酌撥常款在省城暫行籌設二十處並通飭各州縣統於年內各由官辦二十處分設城鄉以爲

之倡除督飭各科精通教育人員遵 部奏事理悉心酌輯最簡要淺顯最尋常適用之通行字一千六百字由單

字進於短句編輯成書經本司詳慎審覈刷印札發暫應急需藉備講授外並由本司手訂試辦簡易識字學塾暫

行簡章二十條擬懇核示通令遵行俟 學部將此項課本及章程頒發奉到後再行遵用改良辦理以歸一律理

合將暫行簡章繕具清摺詳請憲台鑒核示遵并奏咨立案實爲公便爲此備由具呈伏乞照詳施行

謹擬試辦簡易識字學塾暫行簡章二十條開呈鑒核 計開 一此項學塾專收年長失學之愚民無論肩挑負

販及家道貧窶力難入初等小學之子弟不拘年齡資格一體收入名之曰學徒 二設塾宗旨注重在人盡識字

普知人倫道德及應用之知識能寫尋常日用象數各物之簿記能自營生不流於邪僻 一此項學塾最宜與半日半夜等學堂相輔而行貧民急於謀生不能整日上課不拘定上課時限但以每日能入塾聽講二小時為度於入塾之前報明願入早班或午班上課以憑塾師注冊分班講授 一每班講授二小時上午名曰早班下午名曰午班夜間名曰夜班各按班入塾聽講或每日願入兩班聽講四小時者尤善 一宣講所閱報所最宜附設此項學塾即以講員或司事兼充塾師 一凡公廨祠宇寺觀善堂等公共堂舍均宜開辦此項學塾 一每塾祇須有一講堂能容三四十人為一班者即可開辦每塾開三班或二班或一班均聽其便 一此項學塾桌椅器具無論何式均可概不盡求整齊惟置黑板一方以便講演 一此項學塾星期及暑天均無庸放假惟遇慶祝日節氣日休課一日年假自臘月十五日至正月十五日止 一學徒入塾後隨時因事亦可任便不到但每月至多以六日為限每一次至多以三日為限 一凡地方公款及可提撥之官款皆可由創辦人呈請地方官酌核提撥充用 一官辦公辦之學塾概不准收學費及一切各費其學徒自用紙筆墨課本須各自備官辦者能由官酌發尤善 一此項塾師務須就近隨時參觀合式之初等小學教員教授法講演法以資取法 一塾師務須注重講解字義及寫字法必使學徒識一字即能試一字並領解一字之意義 一塾師薪水由各該屬之勸學所教育會酌定每年至少不及三十千至多不得過五十千其選用課本章程自行招徒設塾者不在此例 一此項學塾由紳董勸辦至五所者由地方官獎給匾額至十所者詳由本司獎給匾額至二十所者詳由本司轉詳撫憲核獎 一塾師能成就學徒畢業至二百人者由地方官獎給匾額至五百人者詳由本司獎給匾額至一千人者詳由本司轉詳撫憲核獎 一學徒畢業由塾師填明證書(證書式由地方官核定刷行)呈請地方官蓋印給領以示鼓勵每畢業一次即將畢業學徒姓名冊報地方官存案每年年終由地方官彙報本司某地某塾師學塾畢業學徒若干名以憑查考 一此項學塾除省城由本司會商藩司撥款籌設二十處每州縣現時至少官辦二十處分設城鄉以資提倡限本年內一律辦齊如辦不及十處者詳請記過全不辦者詳請撤任 一此項學塾畢業期限奏案有三年二年一年之分皆以課本字數之多寡為定此時課本章程皆未奉到 部頒暫由本司飭科悉心酌輯最簡要淺顯最尋常適用之通行字一千六百字由單字進於短句刷印成本遍發各屬作為暫行課本以全能背寫全能

領解爲畢業期限亦不拘定年月俟奉到 部頒課本章程後再行遵用改良辦理

文告錄要

督憲批示錄要○保定軍械局詳信義禮和洋行抵交銅帽一萬五千個已飭該行照辦懇請轉咨知照津滬各關屆時放行由 批據詳已悉候咨明 陸軍部轉咨 稅務處飭關驗放並行海防支應局查照備案繳

藩台批示○棗強縣職員呂佐清呈 批候札催冀州迅速確切查明據實詳辦該職仍回籍靜候毋躁○清豐縣舉人劉法先等呈 批此案甫經本司飭縣訊詳爾等速回籍聽候該縣傳質毋逗遛

保定工巡總局批示○董占森具稟一案 批既據稟求姑准傳飭該管分局查啓前封發還執業仰卽覓同妥保前赴該局具領再鴉片禁令日益加嚴該生房屋嗣後務當另招妥人接租慎毋貪利疎忽致干咎戾懷之切切○姜家莊村副姜懷等具稟一案 批高海身膺村正竟敢受賄庇賭殊屬貪玩已極業經從寬判罰苦工不得飾詞請保○姜家莊首事人姜兆順等具稟一案 批高崗一犯情殊可惡業經判罰苦工不得飾詞請保

保定禁煙分局批示○孀婦哈班氏具稟一案 批協記土店前因私賣大煙開燈供客業經查封并將該店掌櫃哈瑞送所習藝在案現在該氏擬請發還執照復行營業之處殊與定章不合未便照准

天津縣議事會公啓○敬啓者茲因劉副議長孟揚李議員鎮桐先後各叙情由函請辭職在案應否認可謹訂於本月十五日恭請同仁蒞會公同決議是爲至要專此具城肅佈并頌公安諸希朗鑒

電報錄要

路透電○西十一月二十二號據柏林報告員稱駐英葡國公使在文德蘇宮內聲稱葡國之進口貨波達酒一種願在英國享有銷售之利益如英德兩國所定之商約辦理云

柏林電○西十一月二十二號電稱荷蘭國政府近來對於加征入口稅務辦法甚爲認真倫敦電○西十一月二十三號英國政府在上議院開第二次宣讀財政律來會者甚夥旁聽者異常擁擠靜聽克羅勳爵宣讀第二次宗旨雖寥寥數語而意極明晰聞者莫不擊掌欽佩

東京電○日本姬路地方警查官於西十一月九日在該處查出偽造一元五元十元日本紙幣三種共計十三萬

元聞該犯之意欲運往滿洲地方行使未知作何治罪

漢城電○韓國政府及人民因日本伊藤公爵慘遭鉅變恐激日本人之怒意欲設法調和日本人之感情由漢城府民會發起擬於本月底在韓國開伊藤公追悼會目下正在籌畫此事云

新政紀聞

政治

法政學堂限制旁聽員○蘇省法政學堂近月以來先後收入旁聽員陳學齡吳道培鄒炳虎龔承勳等四員本屬從權辦理並無定章乃日前又有法政講習畢業員魯兆年稟請援案入堂聽講樊學司以該堂位次本係照額設定若旁聽者人數過多似覺漫無限制爰擬定嗣後以六人爲度不再收入遇有官紳班正額缺出准其挨次補入惟補入之時仍須於年暑假開學日起算不得半途插入以昭公允而示限制已飭令該堂提調辦矣

山陽自治事務所成立○地方自治爲憲政之初基口北山陽官紳因自治章程久經大部奏准通行斷難置之緩圖特假察院房屋開辦地方自治事務所公舉周紳鈞爲正所長顧紳震福爲副所長均兼調查戶口總查所正副長之責並舉紳士何福恒周虎臣章康富阮師凝爲名譽調查長

規定議員旅費川資○浙江議員旅費川資問題會議多次不決現已規定在假定時間每日每人計銀一兩在開會期內倍之至川資則以道里遠近計每里大洋一角云

學務

校長赴日調查學務工業○蘇垣師範學堂附屬兩級小學校校長蔣宗城中翰自奉委主理該校以來遇事整頓成效卓著現經樊介軒學司以中翰辦學多年深明利弊特委令赴日本調查該國中小各學堂規章辦法俾有經驗藉資參考並令順便參觀其工業等務如何發達以便回蘇後有所取鏡大加改良已奉瑞中丞給發咨文於月初起程東渡矣

請獎邑紳捐產興學○江北清口紳士張端臣大守符元捐產創辦江北公學一案近由當道飭據學務公所議紳吳涑查明張紳所捐房產書籍器具值銀三萬三千五百九十八兩六錢實屬熱心公益稟請援照通州張殿撰

審判辦師範學堂請獎例將張紳子湖北候補道張福增交軍機處存記次子補用知縣張福綿及福綿子張傳霖獎予雙月主事又安徽合肥縣監生蘇繼鑫海州宣治銘會捐該堂經費銀四千兩均請獎給雙月知縣又該堂監督安東縣廩生朱榮辦事熱心並將二年薪水計洋一千元全數捐入學堂請特別獎勵

民 事

施醫院訂定診治章程○奉天安東丹國施醫院每日求診者百餘人陸續而往甚為煩瑣該院現訂一章程懸牌門外每日午前來院施診施藥午後來診者每名納診費二元延請入病家診視診費每次五元云

警務公所新訂員司名額○黑龍江省警務公所改訂之員司名額如下 總辦一員會辦一員提調一員總務股股長一員正股員一員副股員二員行政股副股員二員司法股正股員一員副股員一員衛生股副股員二員書記長一員書記生八名每月共額支薪水銀七百一十六兩云

通飭調查城鎮鄉境界○汴省地方自治籌辦處陳編修現通飭各廳州縣調查城鎮鄉之固有境界並頒發表式限十月朔一律報齊

創建小菜場之布置○江蘇松江府威升淮太守自整頓路政後即不准沿途攤售菜蔬現雖設立小菜場數處因均無房屋遮蓋設逢天雨殊形不便業由太守督縣邀請紳商屢次提議現已決定歸商會組織聞已勘定兩處(西門外黑魚弄底城內在府署前)擬蓋洋鉛房屋一俟商會籌定款項即行開工建造

商 務

函招華商購貨賽會○上海經理比國賽會事宜兼華比商會代表杜孟棟君致函上海總商會略謂比國京城不魯捨勒地方明年舉行賽會屆時各國皆派代表前往鄙人現奉該會派充駐滬經理員亟盼華商多帶華貨前往比賽或寄售或作樣子悉聽華商之便特設華貨參考專館此事於華貨出口銷路大有裨益如有華商欲辦貨樣出口藉廣招徠正在斯時現在各國在華經營商務日有進步鄙人忝為華比商會代表並當在甯波廣東蘇州等處廣邀紳商同贊盛舉更須設法稟請中國政府按照上屆黎萊斯賽會辦法撥助經費

江西萍鄉商會簡明章程○第一款 萍鄉出產素稱富饒近更礦務大興蒸蒸日上而商界中反覺倒閉折閱時

有所聞皆因團體未立勢渙力微有利不能興有害不能除長此不變恐有江河日下之勢同人見於此擬請立商務會以聯絡商情發達商業保護商權爲一定之宗旨總期事事便商達其目的而後止 第二款 本會舉總理議董各員皆須常川在會辦事必其人品行端正事理通達爲商民所推服者始爲勝任至各幫會董應由八府各商等公同選舉惟欲周知商務之利病尤必合大小各業分舉公正明白者一人爲代表方免隔膜若會內各員或有徇私袒庇情事致商人有所屈抑准各商聯名函告本會查有實據即公議撤退另舉 第三款 本會開辦伊始支用浩繁非羣策羣力斷難集事現擬酌收各廟會年捐各商年捐註冊費憑據費四項年捐聽各會各商每年愿輸若干斷不稍事抑勒註冊費係指大小各商均須將營業資本籍貫報明本會註冊每年酌收銅元百枚憑據費係指契約票單凡可以執爲憑據之件有願報明本會註冊簽字以杜糾葛者其費按據所載之數酌收毫釐皆應遵限繳清掣取本會收條爲憑 第四款 本會會議時應遵照 部定章程以總理爲主席各議董及幫董業董會員到場者須有過半之數方可開議議事之法總須令言者各畢其詞然後從衆決議詳晰登記由主席簽字爲准每星期不論會內有事無事總理議董皆應赴會一次以便隨時體察常相接洽至幫董業董與各幫業原有密切關係即尋常事件亦可於星期赴會妥商若關係商務大局者則由總理預發傳單定期邀請會議均不得無故不到 第五款 凡各業遇有糾葛無論大小事件一經告知本會即刻期邀集各員秉公剖決如兩造堅執已見尤須力爲開導再不折服准其具稟地方官並由本會開具公斷始末呈請地方官隨時訊結免滋訟累至各商因關係商務之事受屈啣冤本會亦當代爲伸訴仍不得直或限於權力所不及即遵章逕稟 商部核辦 第六款 本會未開辦以前應由總理議董及各幫各業代表人聯名呈請地方官轉稟 勸業道憲詳 部立案並請頒發關防以昭信守

路 礦

津浦實習所之補考○京師津浦鐵路實習所准學生補考凡經批准補考諸生令於初七日下午一鐘到該所補

考初五日以前攜帶本身相片同鄉京官小結親到監學處填寫志願書保證書以憑收學云

學界歡迎鐵路代表○湖北留日學界爲川粵漢鐵路問題公舉代表張伯烈夏道南二君回鄂聯合各團體組織

鐵路協會現省垣學界團體如鍾祥學社圻州學社襄陽學社壽昌特別勸學所海軍鐵路股票會安郡公益社又於九月三十日假黃鶴樓宣講所開歡迎大會以聯情誼云

一 實行改良土貨議案 自通商以來洋貨充斥民間取其輕便樂於購用以致土貨不能暢銷中國利權外溢小民生計日窮是宜實行勸業改良工藝以爲塞彼漏卮保我利權之計 唐慶昇提議

一 釐定積穀章程議案 積穀爲備荒要務各處情形不同其弊端大要有二積於官者多爲公款所挪移積於民者每爲蠹紳所侵蝕小民徒受積穀之累全無積穀之益一遇水旱岌岌可危應如何釐正以期荒歉有備不至虛糜亟宜研究 唐慶昇提議

一 革徵收積弊議案 徵收情形各處迥異其櫃書舞弊不外二事一則抑勒洋價一則不搭銅元此種惡習小民實受其害急宜革除以舒民困此外更有吞吃災免欺國病民莫此爲甚亦宜討論而漸去之 唐慶昇提議

一 蘇撫籌定自治經費修正案議案 此本城鎮鄉地方自治章程第五章經費第一節條文附捐特捐爲籌集未有之款多有議及者公款公產爲分配原有之款并附清查綱要表說詳哉言之也蘇省地方自治城廂將次成立鎮與鄉續待進行不籌定經費何能徒手空言相率興舉是誠切要之首務竊有最簡直入手第一基礎莫如畫區一事區域畫定則某區之隸某城或某鎮某鄉卽以區內公款公產確定其爲某地方之用雖有從前城鎮鄉所共有者亦一律分畫庶公款公產孰城孰鎮孰鄉自得其專屬之所在不煩理而紛解矣倘憚畫區之勞安於苟且目前之計以爲及吾身可以省事也非但不足以希望自治之實行與夫其他憲政之實行且恐未必省事適以多事矣謹將不畫區與畫區之原因陳明上請公鑒蘇撫署會議應議案地方自治區域決議遵照章程第三條以本地地方固有之區域爲準將此條第二款所云境界不明另行析併指爲例外且謂此次專就固有之區域辦理下屆再行析併此不畫區之說也 自治章程第二條市鎮村莊屯集各地方人口滿五萬以上爲鎮不滿五萬以上者爲鄉第三條城鎮鄉區域各以固有之境界爲準又附云若境界不明或必須另行析併者由該管地方官詳確分畫申請本省督撫核定蓋固有區域者城鎮鄉之天然可定者也析併者或區域未定故人口多則析不足則併以變更而定之也（又此條第三附款云如有應行變更由各該城鎮鄉議事會擬具草案移交府廳州縣議事會議決之第四條鎮鄉地方若因人口增減由議事會或鄉董呈由地方官申請督撫分別改爲鄉鎮此皆自治成立區域畫定後之變改也）又諮議局章程第十八條若議員任期未滿而選舉區有更

改者照舊任職蓋區域更改者州縣之城鎮鄉或有析併改屬時也以上各條所載皆畫區之說也 前一說節取固有區域一語以爲可省多少析併之煩則無論界畫未清公款公產無一定所屬之地方者將益滋爭執也即尋繹章程此條殆以固有區域爲正辦其有人口多與不足之數然爲之析併玩附條之文若境界不明句承之乃一貫而下實非例外且江蘇各州縣鮮有天然人口五萬之鎮其遂盡令鎮自治而僅辦城鄉自治乎殊於章程城鎮鄉並列之義闕漏而未完全查諮議局章程第二十二條諮議局於會議廳議決事件如有疑問得呈請督撫批答爰附以請質後一說根據章程之析併區域旣一定公款公產之所屬亦莫不一定矣其有兼轄二縣以下之城鎮鄉必俟畫區後乃可遵第十條自治職合併設置毋庸分立之文（又十一十二條城鎮有區域過廣得就境內畫分若干區各設區董辦理區內自治事宜鄉有戶口過少得不獨立設置自治職與同一管轄內鄰近之城鎮鄉合併辦理此言城鎮鄉可分析合併也）中國創興學堂將十年迄未畫學區今舉行地方自治又復不畫區豈竟漫無界限乎孟子曰仁政必自經界始茲更爲之說曰自治必自畫區始區域畫定公款公產自隸城鎮鄉本地方之公用爭端自息矣至各區或有公款公產有餘不足相懸則由地方官集議秉公酌中勻撥補助庶劑其平而無碍進行謹擬 陶惟坻提議

一補救州縣困難議案 州縣爲行政機關州縣困難責任當屬國家不應由人民代表爲之設法此就性質言之也諮議局章程第一條指陳通省利病云云係指陳通省地方利病不聞推及於州縣官廳之利病即不當代謀補救此就法定宗旨言之也補救州縣困難問題本不應列入議案姑作爲撫台諮詢事件之一擬答如左 前者江督奉 寄諭飭將各州縣攤捐之款詳細查明分別革除此中央政府爲地方行政官廳謀救困難於責任固應爾也乃蘇藩等會詳江督有州縣困難不在攤捐多寡之語並稱攤款均關重要碍難豁免至攤捐共有幾款係何名目爲數若干並未逐一查明業奉江督端批飭詳細覆查按款開列清摺分別能否減免詳候核辦是一經會詳爲大吏者對於攤捐一項必當仰體 朝廷飭查之意酌予減免以稍紓州縣之困累此不必另求他法者一也再前者蘇省州縣有免提規復紋銀等四項之請經蘇撫飭司籌議當以此案應由各州縣先將徵忙收錢解銀每兩尙餘若干連同冬徵蘆課雜稅等一切盈餘逐細開列結見收款總數一面將出款項下常

籌還國債會緣起

嗚呼我同胞亦知中國之瀕危乎互市以來泰西製造日精實業日進我則工商不振生計維艱以故通商垂七十年每歲流出金錢不下數千萬初以中國地大物博視爲癬疥之患自甲午一敗庚子再敗兩次賠款至六百五十兆兩查我中國每歲進款僅百兆上下平時入不敷出已屬萬分拮据於是不得不借外債以清償之按外債利息不同年限亦異統新舊而核計之共需銀一千五六百兆以如此鉅款將何所取償乎漢文之銅山不再則財非出自朝廷子文之毀家無聞則財非出自官吏凡我同胞實無一人不負國債之責任也以故近年以來常關則改隸鈔關稅項增加矣釐金則按照關稅抽收折半矣推之民間所食所用所需無物不捐稅加重翔異異常草野生機奄奄垂斃今國家方且以煙稅遞減海軍待興急欲推行印花以資抵補在朝廷厚澤深仁詎願

行此竭澤而漁之計然明知鳩酒漏脯而不得不飲之食之者以重大之國債逼迫使之然也雖今日新政繁興理財練兵防邊修路以及警察衛生工程自治諸大端何一不需鉅款而獨謂關債之逼迫者緣各省每年之籌措皆以清還國債爲正宗而凡百新政勢不能不另圖取償也田斯由推民間生計之艱實由捐稅之重捐稅之重實由國債之多而國債之多其原因又實由賠款之鉅同胞乎同胞乎國家以百兆進款而負以十餘倍國債而此十餘倍國債將來又必取之於民遷延日久利息漸增而吾同胞之負擔亦益重中國縱無內憂外患卽此一端已足亡國而有餘況今日晴天霹靂噩耗驚傳復有海牙公會監督中國財政國政之消息乎由前言之其事可憂由後言之其機尤可危昔埃及之亡於英也實亡於外債以叢爾埃及先後欠一千兆元之債款後以無力償還英法兩國始則要求埃政府聘其國人充理財顧問官繼則爲之募民債加租稅財政大權胥歸掌握終則爲之裁兵餉清地畝增貴族捐稅使其民窮財盡不能自存卒至殺其大臣廢其君主而埃及永隸於英籍矣殷鑑匪遙可悚可懼然而法之敗於普也議償賠款至八百兆兩並普之戍兵費其責償於法國勢危亡間不容髮乃法大臣梯耳倡議籌還萬民響應不數月悉數清償毫無棘手萬國之人鼓掌叫絕故法至今仍不失爲強國同胞乎同胞乎將欣羨安富尊榮五洲稱雄之法蘭西乎抑樂效奴隸牛馬萬劫不復之埃及乎倘我國人視此爲不急之務則異日中國財政大權旁落任人搜括雖欲破家紓難而不能會記明季流賊亂急莊烈帶勸捐助餉在廷諸臣多者輸將不過

數萬及李自成以酷刑誅求積儲罄獻而尚不免於死追維往事未嘗不太息痛恨愛家不愛國者卒至國破而家亦隨之也今之熱心志士以外人監督財政之問題奔走呼號聯合同志擬請政府速開國會清釐財政以保主權而究之國債一日不清則種種施設悉難著手敝會有鑒於此連日齊集全體會行各董熟籌善策僉謂中國窮困病源悉由國債國債不清財政日絀清釐何有即速開國會亦恐無解決之時止沸揚湯何如徙薪曲突此籌還國債會之立洵為救國救民之要著而不容稍緩者也惟茲事體大造端必求詳審輔助不厭衆多復鑑於國民捐之覆轍故命名為籌還國債會人人有擔負之任人人並有勸導之責況各省諮議局議董兩會現已成立民智大開團體日固惟望羣策羣力以圖其始不息不懈以觀其成是以略述緣起敬告同胞如樂贊成即請分途聯絡共紓國難以救危亡將來國債清償即財政清釐之日亦即國會開幕之日也應如何妥定辦法請各抒所見開會定議以便稟請立案

天津商務總會啓

鳴謝助款

邑紳花翎候選道李公鴻翰謹遵故父李公鍾瑋遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實為好義可風同深感佩除由本堂詳請督憲奏獎外理合登報鳴謝以為樂善好施者勸

天津廣仁堂謹啟

直隸高等工業學堂招生廣告

本堂分高等科及中學科凡有中學畢業或修業及高等小學畢業者自十月初一日起至十一月二十九日止來河北黃緯路本堂取閱詳章報名幸勿遲悞

請看開平塊煤大減價廣告

刻值隆冬本公司特備一種煙小火湧之塊煤專供津郡各學堂局所公館以及各租界商家燃爐煮飯應用每噸零整定價大洋八元九現在老龍頭辛莊均設立分廠儲有此煤以備光顧就近相購者捷便若弗自取請賞一音本公司自備有安實車脚代能送去其脚力品之路途遠近現議較自僱必格外公道其各種焦炭末煤價亦從廉恐未週知特報官聞 電話一千二百九十三號 河東糧店街廣昌公司謹白

新 廠
告 廣 司 公 限 有 灰 洋



啓者本公司係承受唐山洋灰公司老廠另購外洋最新式機器旋密等創設
 新廠自丁未臘月新廠開機以來出貨加增行銷愈廣灰質經本廠西洋化驗
 師悉心研究精益求精會寄由德國國家柏林及日本關東都督府各化驗所
 驗得動力堅力及凝結時刻灰之粗細均合要工所用其成色與外洋最高之
 貨相等尚有機器製造之缸磚花磚洋灰瓦水溝管矸子土等項無論躉零交
 易均可本公司總理處設在天津海大道英租界並在北北京奉天大連烟台牛
 莊青島上海漢口南京鎮江各埠均設有經售處如蒙 賜訂大批價值從廉
 交貨不悞期限所有洋灰及各種磚瓦等件重量式樣大概用法另刊有華洋
 文廣告 光顧諸君請向本公司索閱面議一切可也
 德律風一千三百零九號

仁 利 洋 行

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢翠海參崴等處均設立有年諸班貨物由外洋本機器廠自造
 蘭洋鐘皮套鐘天文坐卦等鐘以及金銀夾金銅鑲等表約有二百餘宗並各樣表鍊金鑲珠寶
 鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡
 本行主人啓

瑞 林 祥 元 記
綢 緞 洋 貨

本號開設北京前門外鮮魚口天津估依街中間路北山東濟南府院西路北自置綢
 緞紗羅顧繡蟒洋貨布疋各色喇呢厚呢京廣什貨俱全貨高價廉劃一不二後廳內專售
 線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸
 瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額
 磁銅料器珠藍 奇巧美術玩器 學界文房用品 旋行携帶等件 精工變身物料
 定織各色簾氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

北 洋 官 報

第 二 千 二 百 六 十 五 冊

告 白

商務印書館出版各書上海總發行所分館發售

欽定大清會典事例全書 版式大小謹遵 商務印書館恭印

會典 會典圖 進呈原本

是書前由敝館承印伏讀外務部進呈原奏有印造尙屬精工等語查王公京外大臣得蒙頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖主函○一定額二百部售完不再印○一定價現銀四百兩預約者減爲二百五十兩○一預約以本年九月底爲限先付規銀五十兩○一本年内先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版 陽湖孟森校訂無錫蔡文森侯官王我臧輯譯 是書自日本開國會始至今年止凡二十五期其初羌無故事朝野皆奉一憲政爲準繩爲國爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必經之層折吾國現狀與此適合不但行政官與議員急宜人手一編以資觸發無論何人皆宜循覽庶知人民參政之實際全書分訂四册定價一元五角茲因諮議局不日開辦趕將前二册先行出版後二册七月出版預定者實價一元收到書價後即交前二册並付收條俟後二册出版時憑條取書特此預告外埠郵費照加

天津分館開設河北大胡同電話五百二十六號



天津商務印書館新書出版



本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

預 告

本報繙譯路透電報錄要一門偷值詞意兩岐或偶有訛誤之處閱報諸君如有匡謬當隨時更正特此佈達

本報繙譯處謹白

謹將第二次甘賑匯款覆電廣告

九月二十二日午刻接甘肅毛碩君方伯慶蕃覆電天津三才里丁春兄鑒賑款蘭平足六千五百兩已收到敬謝蕃皓印按前項賑款內係京都恆裕金店籌賑處匯來京平銀三千兩天津官報局籌賑處公磁平銀三千五百兩分交蔚豐厚協同慶兩莊於九月初十日由津電匯甘肅今得覆電特此登告
再查甘賑已無須接濟同人公商擬即停止所有已經書捐及未書捐捐冊務望於十月初十日以前一律交回以便照刊徵信錄
天津官報局甘肅籌賑處謹啓

京奉鐵路局廣告

啓者查北直貧民每歲赴東省一帶充當小工往返之時每以火車票價有定日無力搭乘是以本局格外體恤減收票價歷辦在案茲值該小工等旋里之時本局訂自九月十九日起每日夜間照常開車一次裝載此等小工由瀋陽新民屯至天津或至塘沽軍糧城每人減收票價洋四元又由營口至津沽軍糧城每人收票價洋三元以示體恤倘有客商混跡其間定即查拏究辦該小工等每人祇許隨帶小包行李一件不得夾帶私貨除知照鐵路巡警隨時稽查外特此佈告

天津南開私立第一中學堂招考新班學生

考期一在本年十二月初六日上午一在明年正月十八日下午